

Nakon provedenog postupka direktnog sporazuma, na način i po postupku predviđenom članom 90. Zakona o javnim nabavkama, zaključuje se

UGOVOR
o pružanju usluga iz oblasti zaštite od požara i eksplozije

JAVNA USTANOVA „APOTEKE SARAJEVO“, sa sjedištem u Sarajevu, na adresi Kranjčevićeva 29, ID broj: 4200280090003, PDV broj: 200280090003, koju zastupa generalni direktor Nedim Hrelja mr.ph. MBA (dalje u tekstu: *Naručilac*),

i

HSC d.o.o., sa sjedištem u Sarajevu, na adresi Radnička bb, Zanatski centar, ID broj: 4200454930006, koje zastupa direktor Sakib Hadžiarapović ing. (dalje u tekstu: *Pružalac usluga*)

Član 1.
(Predmet ugovora)

Ovim ugovorom definišu se prava i obaveze ugovorenih strana u organizaciji i realizaciji usluga iz oblasti zaštite od požara i eksplozije u objektima *Naručioca usluga*, na prostoru Bosne i Hercegovine.

Član 2.
(Obaveze Pružaoca usluga)

Pružalac usluga će odrediti odgovorno lice koji ima odgovarajuću stručnu spremu i radno iskustvo u oblasti zaštite od požara i eksplozije čija je obaveza da se kontinuirano stara o pružanju usluga koje su predmet ovog Ugovora.

Pružalac usluga je obavezan da poslove koje obavlja kod *Naručioca usluga* obavi u skladu sa najnovijim stručnim i naučnim saznanjima i u skladu sa važećim zakonima iz ove oblasti.

Svi stručni nalazi *Pružaoce usluga* koji budu urađeni za *Naručioca usluga*, pored konstatacije činjeničnog stanja moraju sadržavati i prijedlog mjera i radnji na otklanjanju nepravilnosti.

Za izvršenje svih stručnih radnji iz ovog Ugovora, *Pružalac usluga* je obavezan da angažuje svoje najkvalitetnije kadrove i najsavremeniju opremu koju posjeduje.

U slučaju inspekcijskog nadzora nadležnog inspekcijskog organa u vezi sa predmetom ovog ugovora, *Pružalac usluga* će se promptno odazvati pozivu *Naručioca usluga*.

U slučaju da *naručilac usluga* bude kažnjen od strane nadležnog organa, zbog propuštanja postupanja u skladu sa odredbama zakonskih i podzakonskih propisa koji regulišu oblast koja je predmet ovog ugovora, a do kojih propuštanja je došlo zbog neblagovremenog ili nepotpunog postupanja *pružaoca usluga* u skladu sa odredbama ovog ugovora, *pružalac usluga* je dužan *naručiocu* namiriti nastale troškove.

Pružalac usluga se obavezuje da će poslove koji su predmet ovog ugovora obavljati u skladu sa zakonom uz pridržavanje rokova iz ovog ugovora i programa realizacije poslova, vodeći računa o planskim aktivnostima Naručioca.

Član 3. (Obaveze Naručioca usluga)

Naručilac usluga se obavezuje da će stručnom timu Pružaoca usluga obezbjediti nesmetan pristup prostorima i objektima koji su predmet Ugovora, omogućiti uvid u potrebnu tehničku dokumentaciju i odrediti stručno lice za informacije u vezi sa opremom i objektom.

Član 4. (Cijena)

Pružalac usluga će Naručiocu usluga pružati usluge koje su predmet ovog ugovora u skladu sa Ponudom broj:108/20 od 29.09.2020. godine, koja je sastavni dio ovog ugovora.

Naručilac usluga se obavezuje da će plaćanje za izvršene usluge izvršiti u roku od 30 (trideset) dana od dana zaprimanja fakture.

Pružalac usluge je obavezan na fakturi naznačiti broj i datum ugovora na osnovu kojeg se faktura ispostavlja.

Za vrijeme trajanja ugovora, cijene usluga iz Ponude broj:108/20 od 29.09.2020. godine, te Cjenovnika servisa od 01.01.2020. godine se neće mijenjati.

Član 5. (Povjerljivost)

Pružalac i naručilac usluga se obavezuju da će u vrijeme trajanja i prestanka trajanja ovog ugovora, čuvati poslovnu tajnu i sve druge poslovne informacije i podatke do kojih su došli za vrijeme trajanja ovog ugovora.

Član 6. (Trajanje ugovora)

Ovaj ugovor se zaključuje na period od 21.10.2019. godine i biće na snazi sve do i uključujući 20.10.2021. godine.

Član 7. (Raskid ugovora)

Obje strane ugovor mogu raskinuti uz otkazni rok od 30 (trideset) dana, koji počinje teći od dana dostave obavještenja u pismenom obliku.

Član 8. (Završne odredbe)

Ovaj ugovor predstavlja sveobuhvatan i potpuno regulisan pravni odnos između ugovornih strana i svi raniji dogovori kao i usmene i pismene izjave u vezi sa predmetom ovog ugovora, stavljaju se van snage.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Svi budući prilozi, izmjene i dopune ovog ugovora, imaju pravnu važnost samo ako se obje ugovorne strane sa njima saglase i ukoliko su isti sačinjeni u pismenoj formi u vidu novog ugovora ili aneksa na postojeći ugovor.

Ugovorne strane su saglasne da sva eventualna sporna pitanja riješe sporazumno, po principu uzajamnog povjerenja i poštivanja međusobnih interesa u duhu dobrih poslovnih običaja.

Ukoliko ugovorne strane ne postignu sporazumno rješenje, za rješavanje spora nadležan je Sud u Sarajevu.

Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

JU „Apoteke Sarajevo“
Nedim Hrelja mr.ph. MBA
Generalni direktor

HSC d.o.o.
Sakib Hadžiarapović ing.
Direktor